



Broj/Број: 01/2a-50-1-2-20/08
Sarajevo/Сарајево: 13.02.2008.

ZAPISNIK

20. sjednice Komisije za vanjske poslove Zastupničkog doma Parlamentarne skupštine Bosne i Hercegovine, održane 12.02.2008.

Sjednica je počela u 14.00 sati i vodio ju je predsjedavajući Komisije Slavko Matić. Sjednici su prisustvovali članovi Komisije: Slavko Matić, Milica Marković, Sefer Halilović, Denis Bećirović, Sadik Ahmetović i Husein Nanić, a od treće točke priključili su se i članovi Milorad Živković i Azra Hadžiahmetović. Odsustvo je najavila Azra Alajbegović iz razloga službenog putovanja.

Prilikom utvrđivanja dnevnog reda predsjedatelj je predložio da se na dnevni red sjednice ne uvrsti točka 4. iz prijedloga dnevnog reda: davanje suglasnosti za ratifikaciju Sporazuma između Vijeća ministara BiH i vlada ostalih učesnica SEECP-a, Misije privremene uprave Ujedinjenih naroda na Kosovu, u ime Kosova u skladu sa Rezolucijom Vijeća sigurnosti UN-a br.1244 o aranžmanima zemlje domaćina za Sekretarijat Vijeća za regionalnu saradnju, iz razloga što Sporazum još uvijek nije dostavljen zastupnicima, te se time nisu stekli uvjeti za proceduru davanja saglasnosti za ratifikaciju. Nakon dodatnog objašnjenja predstavnika Ministarstva vanjskih poslova BiH, g.Bogdanovića, o značaju ovog sporazuma usvojen je slijedeći:

DNEVNI RED

1. Davanje saglasnosti za ratifikaciju Sporazuma o dugoročnom strateškom partnerstvu između Ministarstva sigurnosti BiH i Ženevskog centra za demokratsku kontrolu oružanih snaga (DCAF);
2. Davanje saglasnosti za ratifikaciju Protokola iz Kjota, Okvirne konvencije Ujedinjenih naroda o promjeni klime – Kjoto 11.12.1997. ;
3. Davanje saglasnosti za ratifikaciju Osnovnog ugovora između Bosne i Hercegovine i Srpske pravoslavne crkve;
4. Tekuća pitanja.

Ad – 1. Davanje saglasnosti za ratifikaciju Sporazuma o dugoročnom strateškom partnerstvu između Ministarstva sigurnosti BiH i Ženevskog centra za demokratsku kontrolu oružanih snaga,

Obrazloženje po ovom Sporazumu dala je predstavnica resornog ministarstva, gdja Ankica Tomić, nakon čega je saglasnost data jednoglasno.

Ad – 2. Davanje saglasnosti za ratifikaciju Protokola iz Kjota, Okvirne konvencije Ujedinjenih naroda o promjeni klime – Kjoto 11.12.1997.

Obrazloženje po ovom sporazumu dao je g.Oprašić, predstavnik resornog ministarstva, nakon čega je, bez primjedbi, jednoglasno data saglasnost.

Ad – 3. Davanje saglasnosti za ratifikaciju Osnovnog ugovora između Bosne i Hercegovine i Srpske Pravoslavne crkve

Nakon obrazloženja ovog Sporazuma, koje je dao Drago Kovač, sekretar Ministarstva za ljudska prava i izbjeglice BiH, predsjedatelj Komisije Slavko Matić otvorio je raspravu. Za riječ su se javili Sadik Ahmetović i Azra Hadžiahmetović, te izrazili dilemu povodom pravnog statusa i tretmana ovog sporazuma. Pokrenuta je rasprava, da li Sporazum između države Bosne i Hercegovine i Srpske pravoslavne crkve može da bude tretiran kao međunarodni sporazum.

Sekretar Ministarstva za ljudska prava i izbjeglice BiH, gospodin Drago Kovač je izjavio kako međunarodni sporazum ne mora isključivo biti sporazum između država, nego on može da bude i između različitih asocijacija, organizacija i sl. Riječ uzima i gospodin Bogdanović navodeći da je ovaj Sporazum prošao svu prethodnu proceduru, te nema nikakve zapreke da se ne da suglasnot za ratificiranje.

Milica Marković je konstatirala da je objašnjenje predstavnika resornih ministarstava korektno i sasvim dovoljno i da je Srpska Pravoslavna crkva samostalna-autokefalna vjerska zajednica i kao takva može biti strana u ovakvom sporazumu, te insistira na glasanju o davanju pozitivnog mišljenja.

Potom se za riječ javio i član Komisije Denis Bećirović, te predložio da Komisija, zbog očigledne neusaglašenosti koja je nastala unutar pozicionih stranaka donese zaključak, uobičajen i kod drugih komisija, kojim će konstatirati da je rasprava obavljena i da se sporazum prosljedjuje Zastupničkom domu na odlučivanje.

Nakon sekretara MVP, koji ponavlja da je u cjelosti ispoštovana procedura, član Komisije Bećirović uzima riječ te navodi da Komisija ima tri izbora, te navodi da je to prihvatanje ratificiranja, njegovo odbijanje ili ostavljanje prostora za usaglašavanje mišljenja pozicionih stranaka sutra na sjednici Predstavničkog doma.

Za riječ se javio i Milorad Živković, te naglašava da je ovaj Ugovor od juna mjeseca prošle godine u proceduri, te da su sve potrebne procedure završene i da nema nikakvog razloga da se ratificiranje ne obavi, što je i Dom svojim zaključkom već ranije zahtijevao.

Nakon zaključene rasprave predsjedatelj Komisije predlaže da se prvo glasa za prijedlog gospodina Bećirovića. Za ovaj prijedlog glasala su 4 člana Komisije, 3 protiv, a jedan je bio suzdržan.

Nakon usvajanja zaključka predsjedatelj je stavio na glasanje i prijedlog da se da pozitivno mišljenje o saglasnosti za ratifikaciju Osnovnog ugovora između BiH i Srpske Pravoslavne crkve te je sa 4 glasa "za" i 4 "suzdržana" ovaj prijedlog i usvojen.

Ad – 4. Tekuća pitanja

Po ovoj tački nije bilo rasprave, pa je sjednica zaključena u 15.30 sati.

PRIVREMENI TAJNIK

Davorin Semenik

PREDSJEDATELJ

Slavko Matić